



**PRAVILNIK O POSTUPKU IZBORA I PRAVIMA
PROFESORA EMERITUSA NA
UNIVERZITETU "DŽEMAL BIJEDIĆ" U MOSTARU**

Mostar, januar 2013. godine

Na osnovu člana 54. Zakona o visokom obrazovanju (Sl. novine HNK broj: 4/12.) i člana 72. Statuta Univerziteta "Džemal Bijedić" u Mostaru, Senat Univerziteta "Džemal Bijedić" u Mostaru, na sjednici održanoj 31.1.2013. godine, donio je

PRAVILNIK O POSTUPKU IZBORA I PRAVIMA PROFESORA EMERITUSA NA UNIVERZITETU "DŽEMAL BIJEDIĆ" U MOSTARU

Član 1.

Za dodjelu počasnog zvanja profesora emeritusa predlažu se posebno zaslužni penzionisani redovni profesori koji su u dužem vremenu doprinosili unapređivanju i razvoju univerzitetske nastave, naučnoistraživačkog, odnosno umjetničkoistraživačkog rada i koji su stekli internacionalnu reputaciju.

Kriteriji za dodjelu zvanja profesora emeritusa su:

- duže vrijeme uspješno provedeno u nastavi, ne kraće od 10 godina, na visokoškolskoj ustanovi na kojoj je kandidat imao status zaposlenika u radnom odnosu ili na drugim visokoškolskim ustanovama Univerziteta "Džemal Bijedić" u Mostaru;
- period od najmanje 5 (pet) godina provedenih u zvanju redovnog profesora, tokom kojeg se posebno istakao svojim naučnim, odnosno umjetničkim radom u oblasti za koju je izabran;
- naučni doprinos kojim je kandidat javno afirmirao svoju naučnu oblast;
- umjetnički doprinos kojim je kandidat javno afirmirao svoju umjetničku oblast;
- izvođenje u svojstvu mentora magistara i doktora nauka u oblasti u kojoj se kandidatu dodjeljuje počasno zvanje profesora emeritusa;
- proizvođenje nasljednika u nastavi, nauci i umjetnosti, odnosno koliko je za počasno zvanje profesora emeritusa ostavio umjetničko-nastavnog podmlatka u oblasti za koju je izabran na visokoškolskoj ustanovi na kojoj je kandidat imao status zaposlenika u radnom odnosu ili na drugim visokoškolskim ustanovama Univerziteta "Džemal Bijedić" u Mostaru;
- naučne knjige i drugi objavljeni radovi značajni za naučnu oblast kandidata;
- javno predstavljeni oblici umjetničkog stvaralaštva koji su značajno doprinijeli razvoju kulture i umjetnosti.

Član 2.

Profesor emeritus može biti angažiran:

- u nastavnom procesu u trećem ciklusu;
- kao mentor kandidatima za stjecanje stepena doktora nauka;
- kao član komisije u postupcima stjecanja stepena doktora nauka;
- kao član komisije za pripremanje prijedloga za izbor akademskog osoblja;
- kao član komisije za nostrifikaciju i ekvivalenciju inostranih visokoškolskih diploma;
- u naučno/umjetničkoistraživačkim projektima.

Član 3.

Univerzitet "Džemal Bijedić" u Mostaru dodjeljuje počasno zvanje profesor emeritus po pribavljenim prijedlozima visokoškolskih ustanova

Član 4.

Visokoškolske ustanove obavezne su brinuti o tome kada pojedini njihovi zaslužni redovni profesori odlaze u penziju, pa prema tome uskladiti svoje prijedloge za dodjeljivanje zvanja profesora emeritusa.

Član 5.

Prijedlozi za dodjelu zvanja profesora emeritusa razmatraju se, prema zahtjevu visokoškolskih ustanova, u toku kalendarske godine, a promocija profesora emeritusa vrši se na svečanoj sjednici povodom dana Univerziteta.

Visokoškolska ustanova dostavlja Senatu, na propisanom obrascu, prijedlog svog nastavno-naučnog odnosno umjetničkog vijeća koji sadrži;

- detaljnu biografiju;
- popis radova;
- opis posebnih zasluga i kriterija utvrđenih članom 1. Pravilnika;
- saglasnost predloženog penzionisanog redovnog profesora da mu se dodijeli zvanje profesora emeritusa;
- odluke nastavno-naučnog, odnosno umjetničkog vijeća još dvije članice kojima se podržava prijedlog visokoškolske ustanove-predlagača.

Član 6.

Po prijemu prijedloga iz člana 5. stav 2. Pravilnika komisija Senata, koja je sastavljena od tri predstavnika iz naučne oblasti sa koje dolazi kandidat za profesora emeritusa i resornog prorektora za nastavu, vrši ocjenu prispjelih prijedlogai njihove potpunosti i usaglašenosti sa zahtjevima iz ovog Pravilnika.

Članovi Komisije imaju pravo tražiti od predlagača i dodatnu dokumentaciju o kandidatu za profesora emeritusa.

Član 7.

Komisija iz člana 6. Pravilnika podnosi pismeni izvještaj s ocjenom i svojim mišljenjem, koji potpisuju svi članovi komisije, Senatu na odlučivanje.

Član 8.

Penzionisanim rektorima Univerziteta "Džemal Bijedić" u Mostaru dodjeljuje se posebnom odlukom, na njihov zahtjev, zvanje profesora emeritusa.

Član 9.

Ovaj Pravilnik stupa na snagu danom donošenja.

**Predsjedavajući Senata
Univerziteta "Džemal Bijedić" u Mostaru**

Broj: 101-1-163/13

prof. dr. Sead Pašić, rektor